

Član 3.

Ovaj Zakon stupa na snagu narednog dana od dana objavljivanja u "Službenim novinama Bosansko-podrinjskog kantona Goražde", a primjenjivat će se od 01.01.2015.godine.

Broj:01-02-924/14 PREDSEDavajuća
29.12.2014.godine SKUPŠTINE
G o r a ž d e Aida Obuća,s.r.

913

Na osnovu člana 33.a Ustava Bosansko-podrinjskog kantona Goražde ("Službene novine Bosansko-podrinjskog kantona Goražde", broj:8/98, 10/00 i 5/03),
d o n o s i m:

U K A Z O PROGLAŠENJU ZAKONA O IZMJENAMA I DOPUNAMA ZAKONA O POREZU NA IMOVINU, NASLIJEDE I POKLON

Prolašava se Zakon o izmjenama i dopunama Zakona o porezu na imovinu, naslijeđe i poklon, koji je donijela Skupština Bosansko-podrinjskog kantona Goražde na 1. redovnoj sjednici, održanoj 29. decembra 2014. godine.

Broj:02-02-414/14 P R E M I J E R
29.12.2014.godine Emir Frašto,s.r.
G o r a ž d e

914

Na osnovu poglavlja IV. odjeljak A, člana 23. stav b) Ustava Bosansko-podrinjskog kantona Goražde ("Službene novine Bosansko-podrinjskog kantona Goražde" br. 8/98, 10/00 i 5/03) i člana

106. Poslovnika Skupštine Bosansko-podrinjskog kantona Goražde ("Službene novine Bosansko-podrinjskog kantona Goražde" broj: 10/08), Skupština Bosansko-podrinjskog kantona Goražde, na 1. redovnoj sjednici, održanoj 29.12.2014. godine, **d o n o s i:**

Z A K O N O IZMJENAMA I DOPUNAMA ZAKONA O POREZU NA IMOVINU, NASLIJEDE I POKLON

Član 1.

U Zakonu o porezu na imovinu, naslijeđe i poklon ("Službene novine Bosansko-podrinjskog kantona Goražde", broj 7/09, 4/13), u Poglavlju II - Porez na imovinu, u članu 9. stav 1. briše se tačka 2. tako da tačke 3, 4, 5, 6, 7, 8. i 9. postaju tačke 2, 3, 4, 5, 6, 7. i 8, a iza tačke 8. se dodaju nove tačke 9. i 10. koje glase:

"9. bazne i mikrobazne stanice mobilne telefonije koje su instalirane na lokacijama na području općina u sastavu Bosansko-podrinjskog kantona Goražde.

10. terminali za klađenje na uplatnim mjestima, samoposlužni terminali za klađenje instalirani na uplatnim mjestima i uređaji za priređivanje klađenja prilikom kojih se koristi generator slučajnih brojeva"

U Poglavlju II - Porez na imovinu u članu 9. stav 2. se mijenja tako da sada glasi:

"Obveznik poreza na imovinu je pravno ili fizičko lice koje je vlasnik ili

korisnik bazne i mikrobazne stanice mobilne telefonije, terminala za kladenje na uplatnim mjestima, samoposlužnih terminala za kladenje instaliranih na uplatnim mjestima, uređaja za priređivanje kladenja prilikom kojih se koristi generator slučajnih brojeva, automata za igre na sreću i stolova u kasinu, ukoliko se isti nalaze na teritoriji općina u sastavu Bosansko-podrinjskog kantona Goražde.”

U Poglavlju II - Porez na imovinu u članu 9. iza stava 6. se mijenja i glasi:

“Terminalom za kladenje na uplatnim mjestima se, u smislu odredbi ovog Zakona, smatraju svi uređaji na kojima se vrši uplata za igre na sreću koje priređivač organizuje kao posebne igre na sreću u kojima sudionici (igrači) u skladu sa pravilima igre pogađaju ishode različitih sportskih i drugih stvarnih događaja sa neizvjesnim rezultatom, dok se samoposlužnim terminalom za kladenje smatraju svi uređaji na kojima se uplata za igre na sreću vrši bez posredovanja prodavača. Uređajem za priređivanje kladenja prilikom kojih se na bilo koji način koristi generator slučajnih brojeva se, u smislu odredbi ovog Zakona, smatraju svi uređaji koji na osnovu slučajnih uzoraka generiraju slučajne potpuno nezavisne i nepredvidive nizove brojeva ili simbola koji su jednoliko raspoređeni unutar definisanih granica.”

Član 2.

U Poglavlju II - Porez na imovinu u članu 10. stav 1. briše se tačka 2, tako da dosadašnje tačke 3, 4, 5, 6, 7, 8, 9, 10, 11. i 12. postaju tačke 2, 3, 4, 5, 6, 7, 8,

9, 10. i 11, a onda se tačke 4. i 5. mijenja ju tako da iste sada glase:

“4. za putničko motorno vozilo preko 2000 cm² radne zapremine motora i starosti do 5 godina 200,00 KM, od 5 do 10 godina 150,00 KM i od 10 do 15 godina 100,00 KM.

5. za motocikle preko 50 cm² radne zapremine 100,00 KM”

U Poglavlju II - Porez na imovinu u članu 10. stav 1. iza tačke 11. dodaju se nove tačke 12, 13, 14. i 15, koje glase:

“12. za svaki instalirani terminal za kladenje na uplatnom mjestu, odnosno za svaki instalirani samoposlužni terminal za kladenje instaliran na uplatnom mjestu 5.000,00 KM

13. za svaki postavljeni uređaj za priređivanje kladenja prilikom kojih se na bilo koji način koristi generator slučajnih brojeva 5.000,00 KM.

14. za svaku baznu stanicu mobilne telefonije 10.000,00 KM.

15. za svaku mikrobaznu stanicu mobilne telefonije 5.000,00 KM”

Član 3.

U Poglavlju II - Porez na imovinu u članu 12. stav 4. se mijenja i glasi:

“Pravno i fizičko lice koje je vlasnik ili korisnik baznih i mikrobaznih stanica mobilne telefonije, terminala za kladenje na uplatnim mjestima, samoposlužnih terminala za kladenje instaliranih na uplatnim mjestima, uređaja za priređivanje kladenja prilikom kojih se koris-

ti generator slučajnih brojeva, automata za igre na sreću i stolova u kasinu te automata za igre za zabavu dužno je u roku od 30 dana od dana nastanka obaveze, odnosno od dana sticanja imovine ili od dana početka korištenja imovine podnijeti poresku prijavu poreznoj upravi, odnosno poreskoj ispostavi nadležnoj za općinu na čijoj teritoriji se nalaze ti terminali, automati, kompjuter i uređaji, odnosno stolovi.

Član 4.

U Poglavlju II – Porez na imovinu u članu 13. iza stava 1. dodaju se novi stavovi 2, 3. i 4. koji glase:

“Organi koji su nadležni za vođenje zemljišnih knjiga i za obavljanje poslova katastra nekretnina, odnosno organi koji raspolažu bilo kakvom evidencijom nekretnina, dužni su na zahtjev Porezne uprave, odnosno nadležne poreske ispostave, bez odlaganja, a najkasnije u roku od 15 dana, dostaviti sve podatke o nekretninama, što podrazumijeva i podatke o stanju nekretnina, kao i vlasnicima istih.

Porezna uprava, odnosno nadležna poreska ispostava, je dužna najmanje jednom godišnje i to do 15. januara, svim pravnim licima koja su registrovana ili imaju poslovne jedinice na njenom području dostaviti zahtjev za dostavljanje svih podataka o imovini koja se nalazi u njihovom vlasništvu ili je koriste, a čije je oporezivanje predviđeno ovim Zakonom, odnosno zahtjev za izjašnjavanje da li su vlasnici ili korisnici imovine čije je oporezivanje predviđeno ovim Zakonom, a isti su dužni potpune podatke, odnosno izjašnjenje dostaviti do 31. januara.

Zahtjev za dostavljanje svih podataka o imovini iz prethodnog stava Porezna uprava, odnosno nadležna poreska ispostava, ukoliko ocijeni da je to potrebno, može dostaviti i fizičkim licima koja imaju prebivalište ili koja posluju na njenom području.”

Član 5.

U Poglavlju II - Porez na imovinu u članu 15. stav 1. tačka b). se mijenja, tako da ista sada glasi:

“b) za pokretnu imovinu obuhvaćenu članom 10. stav 1. tačke 7, 8, 9, 12, 13, 14. i 15. prema mjestu gdje se imovina nalazi.”

Član 6.

U Poglavlju V – Kaznene odredbe u članu 39. u stavu 1. iza tačke 3. dodaje se tačka 4. koja glasi:

“4. koji ne dostave u predviđenom roku sve podatke o imovini koja se nalazi u njihovom vlasništvu i imovini koju koriste, odnosno koji se ne izjasne da li su vlasnici ili korisnici imovine čije je oporezivanje predviđeno ovim Zakonom (član 13.)”

Član 7.

U Poglavlju V – Kaznene odredbe u članu 40. u stavu 1. iza tačke 3. dodaje se tačka 4. koja glasi:

“4. koji ne dostave u predviđenom roku sve podatke o imovini koja se nalazi u njihovom vlasništvu i imovini koju koriste, odnosno koji se ne izjasne da li su vlasnici ili korisnici imovine čije je oporezivanje predviđeno ovim Zakonom (član 13.)”

Član 8.

U Poglavlju V – Kaznene odredbe član 41. se mijenja, tako da isti glasi:

“Odgovorno lice Porezne uprave, odnosno nadležne poreske ispostave, notar i odgovorno lice u nadležnom organu, kaznit će se za prekršaj novčanom kaznom od 1.000,00 KM do 1.500,00 KM ukoliko postupi suprotno odredbama člana 13, člana 36. i člana 38. stav 2. ovog Zakona.”

Član 9.

Postupak naplate poreza za imovinu za koju je prije stupanja na snagu ovog Zakona pokrenut postupak razreza poreza okončat će se u skladu sa odredbama koje su bile na snazi u trenutku podnošenja prijave za razrez poreza, dok će se za svu drugu imovinu postupak provoditi u skladu sa odredbama ovog Zakona.

Za imovinu za koju prijava nije podnesena do stupanja na snagu ovog Zakona, prijava će se podnijeti u skladu sa članom 12. stav 5. Zakona o porezu na imovinu, naslijede i poklon.

Član 10.

Ovaj Zakon stupa na snagu narednog dana od dana objavljivanja u “Službenim novinama Bosansko-podrinjskog kantona Goražde”, a primjenjivat će se od 01.01.2015. godine.

Broj:01-02-924/14 PREDSJEDAVAJUĆA
29.12.2014.godine SKUPŠTINE
G o r a ž d e Aida Obuća,s.r.

915

Na osnovu člana 33.a Ustava Bosansko-podrinjskog kantona Goražde („Službene novine Bosansko-podrinjskog kantona Goražde”, broj: 8/98, 10/00 i 5/03), **d o n o s i m:**

U K A Z

**O PROGLAŠENJU ZAKONA
O IZMJENAMA I DOPUNAMA
ZAKONA O SUDSKIM TAKSAMA**

Prolašava se Zakon o izmjenama i dopunama Zakona o sudskim taksama, koji je donijela Skupština Bosansko-podrinjskog kantona Goražde na 1. redovnoj sjednici, održanoj 29.12.2014.godine.

Broj: 02-02-415/14
29.12.2014.godine
G o r a ž d e

P R E M I J E R
Emir Frašto,s.r.

916

Na osnovu poglavlja IV. odjeljak A, člana 23. stav b) Ustava Bosansko-podrinjskog kantona Goražde (“Službene novine Bosansko-podrinjskog kantona Goražde” broj: 8/98, 10/00 i 5/03) i člana 106. Poslovnika Skupštine Bosansko-podrinjskog kantona Goražde (“Službene novine Bosansko-podrinjskog kantona Goražde” broj: 10/08), Skupština Bosansko-podrinjskog kantona Goražde, na 1. redovnoj sjednici, održanoj 29.12.2014. godine, **d o n o s i:**

Z A K O N

**o izmjenama i dopunama
Zakona o sudskim taksama**

